

Ius Aziam, filii Zachariæ, filii Amariæ, filii Saphatiæ, filii Malaleel: de filiis Phares,

5 Maafia filius Baruch, filius Cholhoza, filius Hazia, filius Adaia, filius Joarib, filius Zachariæ, filius Silonitis:

6 Omnes hi filii Phares, qui habitaverunt in Jerusalem, quadringenti sexaginta octo viri fortes,

7 Hi sunt autem filii Benjamin: Sellum filius Mofollam, filius Joed, filius Phadaia, filius Colaia, filius Mafia, filius Etheel, filius Haia,

8 Et post eum Gebbai, Sellai, nongenti vigintiocto,

9 Et Joel filius Zechri præpositus eorum, & Judas filius Senua super civitatem secundus.

10 Et de sacerdotibus, Idaia filius Joarib, Jachin,

11 Saraia filius Helciæ, filius Mofollam, filius Sadoc, filius Meraloth, filius Achitob, princeps domus Dei,

12 Et fratres eorum facientes opera templi octingenti viginti duo. Et Adaia filius Jeroham, filius Phelelia, filius Amfi, filius Zachariæ, filius Pheshur, filius Melchiæ,

13 Et fratres ejus principes patrum: ducenti quadraginta duo. Et Amaffai filius Azreel, filius Ahafi, filius Mofollamoth, filius Emmer,

14 Et fratres eorum potentes nimis: centum viginti octo, & præpositus eorum Zabdiel filius potentium.

15 Et de Levitis Semeia filius Hafub, filius Azaricam, filius Hafabia, filius Boni,

16 Et Sabathai & Jozabed, super omnia opera, quæ erant forinsecus in domo Dei, a principibus Levitarum.

17 Et Mathania filius Micha, filius Zebedei, filius Afaph princeps ad laudandum, & ad confitendum in oratione, & Bebecia secundus de fratribus ejus, & Abda filius Samua, filius Galal, filius Idithun.

18 Omnes Levitæ in civitate sancta ducenti octoginta quatuor.

19 Et janitores, Accub, Telmon, & fratres eorum, qui custodiebant ostia: centum septuaginta duo.

20 Et reliqui ex Israel Sacerdotes & Levitæ in universis civitatibus judæ, unusquisque in possessione sua.

21 Et Nathinæi, qui habitabant in Ophel, & Siaha, & Gafpha de Nathinæis.

22 Et Episcopus Levitarum in Jerusalem, Azzi, filius Bani, filius Hafabiæ, filius Mathaniæ, filius Michæ. De filiis Afaph, cantores in ministerio domus Dei.

23 Præceptum quippe regis super eos erat, & ordo in cantoribus per dies singulos,

24 Et Phathabia filius Mesezebel, de filiis Zara filii Juda in manu regis, juxta omne verbum populi,

25 Et in domibus per omnes regiones eorum. De filiis Juda habitaverunt in Cariatharbe, & in filiabus ejus: & in Dibon, & in filiabus ejus: & in Cabsael, & in viculis ejus,

26 Et in Jesue, & in Molada, & in Bethphaleth, 27 Et in Haserual, & in Bersabee, & in filiabus ejus,

28 Et in Siceleg, & in Mochona, & in filiabus ejus,

29 Et in Remmon, & in Saraa, & in Jerimuth, 30 Zanoa, Odollam, & in villis earum, Lachis & regionibus ejus, & Azecha, & filiabus ejus. Et manserunt in Bersabee usque ad vallem Ennom.

31 Filii autem Benjamin, a Geba, Mechmas, & Hai, & Bethel, & filiabus ejus:

32 Anathoth, Nob, Anania,

33 Afor, Rama, Gethaim,

34 Hadid, Seboim, & Neballat, Lod

35 Et Ono valle artificum.

36 Et de Levitis portiones Judæ & Benjamin.

CAPUT XII.

Nomina & officia sacerdotum ac Levitarum qui cum Zorobabel in Jerusalem ascenderunt, & custodes thesaurorum: magna solemnitate convocatis undique Levitis celebrant dedicationem muri Jerusalem.

¶ HI sunt autem Sacerdotes & Levitæ, qui ascen-

ascenderunt cum Zorobabel filio Salathiel, & Josue: Saraia, Jeremias, Eldras,

2 Amaria, Melluch, Hattus,

3 Sebenias, Rheum, Merimuth,

4 Addo, Genthon, Abia,

5 Miamin, Madia, Belga,

6 Semeia, & Jolarib, Idaia, Sellum, Amoc, Helcias,

7 Idaia. Isti principes Sacerdotum, & fratres eorum in diebus Josue.

8 Porro Levitæ, Jesua, Bennui, Cedmihel, Sarebia, Juda, Mathanias, super hymnos ipsi & fratres eorum:

9 Et Bebecia atque Hanni, & fratres eorum unusquisque in officio suo.

10 Josue autem genuit Joacim, & Joacim genuit Eliasib, & Eliasib genuit Jorada,

11 Et Jorada genuit Jonathan, & Jonathan genuit Jeddoa:

12 In diebus autem Joacim erant Sacerdotes & principes familiarum: Saraia, Maraia: Jeremia, Hanania:

13 Esdra, Mosollam: Amaria, Johanan:

14 Milicho, Jonathan: Sebenia, Joseph:

15 Haram, Edna: Maraioth, Helci:

16 Adaiæ, Zacharia: Genthon, Mosollam:

17 Abia, Zechri: Miamin & Moadia, Phelti:

18 Belgæ, Sammua: Semaie, Jonathan:

19 Jolarib, Mathanai, Jodaja, Azzi:

20 Sellai, Celai: Amoc, Heber:

21 Helcia, Hasebia: Idaia, Nathanael.

22 Levitæ in diebus Eliasib, & Jorada, & Johanan, & Jeddoa scripti principes familiarum, & Sacerdotes in regno Darii Persæ.

23 Filii Levi principes familiarum, scripti in Libro verborum dierum, & usque ad dies Jonathan, filii Eliasib

24 Et principes Levitarum, Hasebia, Serebia, & Josue filius Cedmihel: & fratres eorum per vices suas, ut laudarent & confiterentur juxta præceptum David viri Dei, & observarent æque per ordinem.

25 Mathania, & Bebecia, Obedia, Mosollam,

Tel:

Telmon, Accub custodes portarum & vestibulorum ante portas.

26 Hi in diebus Joacim filii Josue, filii Josedec, & in diebus Nehemiæ ducis, & Esdra Sacerdotis scribæque.

27 In dedicatione autem muri Jerusalem requisierunt Levitas de omnibus locis suis, ut adducerent eos in Jerusalem, & facerent dedicationem & lætitiâ in actione gratiarum, & cantico, & in cymbalis, psalteriis, & citharis.

28 Congregati sunt autem filii cantorum de campestribus circa Jerusalem, & de villis Nethuphati,

29 Et de domo Galgal, & de regionibus Geba & Azmaveth: quoniam villas ædificaverunt sibi cantores in circuitu Jerusalem.

30 Et mundati sunt Sacerdotes & Levitæ, & mundaverunt populum, & portas, & murum.

31 Ascendere autem feci principes Juda super murum, & statui duos magnos choros laudantium. Et ierunt ad dexteram super murum ad portam sterquilini.

32 Et ivit post eos Osaias, & media pars principum Juda,

33 Et Azarias, Eldras, & Mosollam, Judas, & Benjamin, & Semeia, & Jeremias.

34 Et de filiis sacerdotum in tubis, Zacharias filius Jonathan, filius Semeia, filius Mathania, filius Michaiæ, filius Zechur, filius Asaph,

35 Et fratres ejus Semeia, & Azareel, Malalai, Galalai, Maai, Nathanael, & Judas, & Hanani, in vasis cantici David viri Dei: & Eldras scriba ante eos in porta Fontis.

36 Et contra eos ascenderunt in gradibus civitatis David in ascensu muri super domum David, & usque ad portam Aquarum ad Orientem.

37 Et chorus secundus gratias referentium ibat ex adverso, & ego post eum, & media pars populi super murum & super turrim furnorum, & usque ad murum latissimum,

38 Et super portam Ephraim, & super portam antiquam, & super portam piscium & turrim Ha-

aneel, & turrin Emath, & usque ad portam gregis: & steterunt in porta custodiæ,

39 Steteruntque duo chori laudantium in domo Dei, & ego, & dimidia pars magistratum mecum.

40 Et Sacerdotes, Eliachim, Maasia, Miamin, Michea, Elioenai, Zacharia, Hanania in tubis,

41 Et Maasia, & Semeia, & Eleazar, & Azzi, & Johanan, & Melchia, & Ælam, & Ezer. Et clare cecinerunt cantores, & Jezraia præpositus:

42 Et immolaverunt in die illa victimas magnas, & lætati sunt: Deus enim lætificaverat eos lætitia magna: sed & uxores eorum & liberi gavisi sunt, & audita est lætitia Jerusalem procul.

43 Recensuerunt quoque in die illa viros super gazophylacia thesauri ad libamina, & ad primitias, & ad decimas, ut introferrent per eos principes civitatis in decore gratiarum actionis, Sacerdotes & Levitas: quia lætificatus est Juda in Sacerdotibus & Levitis astantibus.

44 Et custodierunt observationem Dei sui, & observationem explationis, & cantores, & janitores juxta præceptum David, & Salomonis, filii ejus,

45 Quia in diebus David & Asaph ab exordio erant principes constituti cantorum in carmine laudantium, & confitentium Deo.

46 Et omnis Israel, in diebus Zorobabel, & in diebus Nehemiæ dabant partes cantoribus & janitoribus per dies singulos, & sanctificabant Levitas, & Levitæ sanctificabant filios Aaron.

CAPUT XIII.

Lectione Deuteronomio ejiciuntur alienigenæ, partes Levitis assignantur, e quo tamen gazophylacio vasa domus Tobia projiciuntur, & sabbati violatores puniuntur: increpat Nehemias Judæos qui uxores duxerant alienigenas.

IN die autem illo lectum est in volumine scriptum in eo, quod non debeant introire Ammonites & Moabites in Ecclesiam Dei usque in æternum:

2 Eo quod non occurrerint filiis Israel cum pane & aqua: & conduxerint adversum eos Balaam, ad maledicendum eis: & convertit Deus noster maledictionem in benedictionem.

3 Factum est autem, cum audissent legem, separaverunt omnem alienigenam ab Israel.

4 Et super hoc erat Eliafib sacerdos, qui fuerat præpositus in gazophylacio domus Dei nostri, & proximus Tobia.

5 Fecit ergo sibi gazophylacio grande, & ibi erant ante eum reponentes munera, & thus, & vasa, & decimam frumenti, vini, & olei, partes Levitarum, & cantorum, & janitorum, & primitias sacerdotales.

6 In omnibus autem his non fui in Jerusalem, quia anno trigesimo secundo Artaxerxis regis Babylonis veni ad regem. Et in fine dierum rogavi regem:

7 Et veni in Jerusalem, & intellexi malum, quod fecerat Eliafib Tobia, ut faceret ei thesaurum in vestibulis domus Dei.

8 Et malum mihi visum est valde. Et projecit vasa domus Tobia foras de gazophylacio:

9 Præcepique, & emundaverunt gazophylacia: & retuli ibi vasa domus Dei, sacrificium, & thus.

10 Et cognovi quod partes Levitarum non fuissent datæ: & fugisset unusquisque in regionem suam de Levitis, & cantoribus, & de his, qui ministrabant:

11 Et egi causam adversus magistratus, & dixi: Quare dereliquimus domum Dei? Et congregavi eos, & feci stare in stationibus suis.

12 Et omnis Juda apportabat decimam frumenti, vini, & olei in horrea.

13 Et constituimus super horrea Selemiam Sacerdotem, & Sadoc scribam, & Phadaïam de Levitis, & juxta eos Hanan filium Zachur, filium Mathaniæ: quoniam fideles comprobati sunt, & ipsis creditæ sunt partes fratrum suorum.

14 Memento mei Deus meus pro hoc, & ne deleas miserationes meas, quas feci in domo Dei mei, & in cæremoniis ejus.

15 In diebus illis vidi in Juda calcantes tor-

cularia in sabbato, portantes acervos, & onerantes super asinos vinum, & uvas, & ficus, & omne onus, & inferentes in Jerusalem die sabbati. Et contestatus sum, ut in die qua vendere liceret, venderent.

16 Et Tyrii habitaverunt in ea, inferentes pisces, & omnia venalia: & vendebant in sabbatis filiis Juda in Jerusalem:

17 Et objurgavi optimates Juda, & dixi eis: Quæ est hæc res mala, quam vos facitis, & profanatis diem sabbati?

18 Numquid non hæc fecerunt patres nostri, & adduxit Deus noster super nos omne malum hoc, & super civitatem hanc? Et vos additis iracundiam super Israel violando Sabbatum.

19 Factum est autem, cum quievisset porta Jerusalem in die sabbati, dixi: & clausurunt januas, & præcepi, ut non aperirent eas usque post Sabbatum: & de pueris meis constitui super portas, ut nullus inferret onus in die Sabbati.

20 Et manserunt negotiatores, & vendentes universa venalia foris Jerusalem semel & bis.

21 Et contestatus sum eos, & dixi eis: Quare manetis ex adverso muri? si secundo hoc feceritis, manum mittam in vos. Itaque ex tempore illo non venerunt in Sabbato.

22 Dixi quoque Levitis ut mundarentur, & venirent ad custodiendas portas, & sanctificandum diem Sabbati: & pro hoc ergo memento mei Deus meus, & parce mihi secundum multitudinem miserationum tuarum.

23 Sed & in diebus illis vidi Judæos ducentes uxores Azotidas, Ammonitidas, & Moabitidas.

24 Et filii eorum ex media parte loquebantur Azotice, & nesciebant loqui Judaice, & loquebantur juxta linguam populi & populi.

25 Et objurgavi eos, & maledixi. Et cecidi ex eis viros, & decalvavi eos, & adjuravi in Deo, ut non darent filias suas filiis eorum, & non acciperent de filiabus eorum filios suos, & sibimetipsis, dicens:

* 3. Reg. 3.
1. & 11.

26 * Numquid non in hujuscemodi re peccavit Salomon rex Israel? & certe in gentibus mul-

tis

tis non erat rex similis ei, & dilectus Deo suo erat, & posuit eum Deus regem super omnem Israel: * & ipsum ergo duxerunt ad peccatum mulieres alienigenæ.

27 Numquid & nos inobedientes faciemus omne malum grande hoc, ut prævaricemur in Deo nostro, & ducamus uxores peregrinas?

28 De filiis autem Jojada filii Eliafib sacerdotis magni, gener erat Sanaballat Horonites, quem fugavi a me.

29 Recordare Domine Deus meus, adversum eos, qui polluunt sacerdotium, jusque Sacerdotale & Leviticum.

30 Igitur mundavi eos ab omnibus alienigenis, & constitui ordines Sacerdotum & Levitarum, unumquemque in ministerio suo:

31 Et in oblatione lignorum in temporibus constitutis, & in primitivis: memento mei Deus meus in bonum. Amen.

LIBER TOBIÆ.

CAPUT PRIMUM.

Tobias in captivitate constitutus, a lege Dei non recedit, & filium Tobiam ex Anna uxore susceptum, Deum timere docet: gratus regi Salmanassar, pergat quocumque vult: confratres captivos consolatur & juvat elemosyna: Gabelo dat mutuo decem argenti talenta: Sennacherib, quod occisos sepeliret, eum persequitur.

I **T**OBIAS ex tribu & civitate Nephthali (quæ est in superioribus Galiliæ supra Naafson, post viam, quæ ducit ad Occidentem, in sinistro habens civitatem Sephet)